

內黃縣志序

賜同進士出身

勅授文林郎章丘縣知縣元城董復撰



董生讀禮繁露之園閉門
掃軌謝客屏觚以遊澹漠
之場黃侯項子王君信卿
宰黃未期年雅意文學枉

四章集志 前序
駕及門向董生請曰唯黃
名在春秋歷代相沿以迄
明興隸在股肱郡而舊志
草野踈漏無當大雅君子
之觀且遡

世廟丁亥至今歲庚子近

八十禩矣文獻缺如故實
靡證儻輶軒使者有問奚
以報塞敬執故牘以請唯
先生留意焉董生曰是惟
明府與黃邑二三賢士大
夫之任不佞敢從他邑奪

本縣賢士大夫權乎信卿
固請余乃受命此春夏之
交也蓋又三月祝融退舍
少皞司辰爽籟清蒞寒潭
澄碧董生乃始取澶淵太
宰王公所裒舊志與君所

輯新志旁叅錯采又懼獨
力弗勝左賢良右文學佐
之一二胥史討閱繕錄經
浹月乃成即鮮文采庶遠
挂漏部凡十有七卷凡二
十有六劾諸信卿信卿因

屬博士文學校讐錢梓至
冬告竣且屬董生叙叙曰
維室壁之野有邑僻在西
偏古為觀扈今為京兆中
間離翕源委森如不論其
世可乎志沿革第一博望
在左泉源在右纖不稱斗
鉅不名巖與洹繁相伯仲
志地里第二建侯樹邑高
高下下公私位置則政化
之自出志建置第三荒城
禾黍孤塚荆棘一片有心

者過之灑淚揮毫今昔同
焉志古蹟第四千里異風
百里殊俗食貨所緣物土
制用移易殖滋是在良有
司志風土第五遠遡殷姬
近訖今

皇宓祥典除抵掌可譚志
編年第六令義民師聯士
相提而理境內晏然志官
師第七周曰進士漢曰孝
廉明經帖義途立而三封
崇恩廕此烏波及非我族

類鬻官輸粟志選舉第八
先王因土列貢則壤成賦
昔胡纘眇今何倍蓰反裘
焚林余不知其庖極志田
賦第九夫祭有其舉之莫
敢廢耳先聖名賢茲爲尸
祝萬分之一淫瀆弗經信
巫好鬼何必三楚志祠祀
第十奉法循理與民休息
四境于于安之二三廣文
不悉潦倒亡賴有口碑在
士民志宦蹟第十一大河

而西太行以東靈秀所會
護生君子聖人所急漢晉
以來李唐趙宋亦各有材
不冝湮滅無聞志歷代人
物第十二

昭代之興寔當半千名卿
鉅公光奕後先豈黃蕞爾
而獨乏人志

國朝人物第十三五倫之
首百行之原昧昧我民亦
各有心割股廬墓寧渠非
孝聊述梗畧以勸偷俗志

孝行第十四事君有死無
二天之制也伯當從亂然
忼慨丈夫哉烈烈公晦進
于中郎侍中矣志忠義第
十五富貴易歇榮樂止身
未若文章之無窮馬生鷹
揚沈即鵠起昂霄後出亦
咸彬蔚志文苑第十六黨
錮之禍賢者胥為戮民子
龍矯矯其穎水商山之流
亞乎後有作者難以繼矣
志隱逸第十七季主相士

君平市卜廢興祥詆如懸
秦鏡藥巴傳珽輩豈不或
然志方技第十八女無非
儀所貴從一石亦可化腸
亦可斷余以是媿二心焉
志列女第十九天遺恢恢
豈不大哉一行之曆圓琛
之識雖儒者何加焉志僊
釋第二十男兒棄弧蓬矢
東西南北之人也詎云洵
美而非吾土志流寓第二
十一凶人戾德譬彼豺虎

倏廢倏興易如反掌念茲
念茲天所不與其疇克有
終志奸雄第二十二煌煌
帝典洋洋臣章伐山麗牲
之紀登臺含毫之詠卑辭
隻字並皆光華地靈裨贊
人文豈輕也茲志藝文第
二十三第二十四第二十
五第二十六終焉董生曰
余往為陽丘志不浸浸近
誣且靡乎乃今為黃志而
始免此二累云與誣寧雅

與文寧質與汪洋恣肆而
靡鏡寧典重該允而有稽
先臣唐應德之言曰家之
有藉本以治生非以觀美
邑之有志本以經世非以
博物嗟嗟余蓋竊其意乎
嗟嗟余終媿其語乎敬以
是報信卿

萬曆庚子長至日書於繁
露園



內黃縣志序

賜同進士出身內黃縣知縣項城王廷諫撰

內黃故無志當德靖間邑
有先輩周君萬金始私為
志一帙藏之家後邑侯張
公古取其副本詣故澶州

冢宰王公稍加剛潤版行之有冢宰既林太史二序可稽蓋在戊子丁亥之間以迄今近八十陽秋後先蒞是邑者亦嘗雅志脩葺而以冗栢故弗果卒業戶口之登耗弗載賦役之輕重弗述名賢循吏之行業弗錄邑人士聚族而愾惋久矣余客歲己亥得內黃除書邑大行黃公即面以邑志見托既蒞邑邑人士

又後先固請余媿弗文然
業心許之不敢食前諾會
五鹿董見心先生讀禮居
里先生夙號博雅能文章
余以庚子夏持冢宰舊志
與諸學人近所采訪者詣
先生請屬草三請始獲命
二賢良文學分攤旁搜未
兩月輒脫藁余初得其沿
革地里建置古蹟諸志讀
之曰美哉此非禹貢職方

之雲耳邗已讀風土田賦
祠祀曰羨哉方言乎博物
志乎爾雅祭義乎讀編年
曰羨哉進乎本紀歷年圖
矣讀官師選舉曰羨哉諸
侯王年表人物表也讀官
蹟曰羨哉兩漢循吏傳讀
人物諸志曰羨哉古今得
失之林其七十列傳之左
右翼乎讀方技列女仙釋
奸雄諸志曰羨哉劉子政
下令升楚檮杌何加焉最

後讀藝文志曰典而裁贍而不穢美哉一方之文獻具是矣卷凡二十有六提綱列目纂要鈎玄境無漏事邑有信書下銷日落月稀之感上報採風問俗之命官是邑者亦獲取裁憲典藻緣吏治信微先生不能成也先是先生令陽丘嘗撰次陽丘志三十餘卷海內盛傳先生方悔其博而近誣文而近靡是志博

不傷雅文不漓質體裁文
采並堪當家邇來邑志多
推武功臨邑武功出康德
涵臨邑出邢子愿德濟子
愿胥史才名家故所撰次
足垂不朽先生文譽藉甚
一時其于是志特一斑耳
獨區區黃邑而獲與武功
臨邑角立為三余又藉手
以復邑人士也



內黃縣志序

夫志以籍往事儲後觀總
之有三尚焉事尚備紀尚
實評尚精不備則靡所囊
括何繇探討不實則靡所
依據何繇軒輊不精則嫩

惡混而取舍眩此之為志
等亡矣內黃舊亦有志自
嘉靖丁酉歲王端溪公剛
定後蓋數十稔于茲矣前
志得失姑亡論即此數十
稔之間風土氣習日更月
變指不可勝屈寥寥焉一
無所紀吏茲土者即欲取
而觀灑之曷由也豫章饒
棫君來謀修之未果鄖陽
徐使君來重謀之兼欲起
三不朽祠亦未果山東張

顏二使君相繼為此謀且
畧草其大概又未果今使
君王父母少年高第來令
茲土才銳斷割案無留牘
日出視事未辰已而一日
之事畢矣暇則取前志暨
前諸使君所為者覽而嘆
曰此文獻之所在也淪湮
至此何以徵焉慨然起而
身之廣招博士弟子員明
于掌故如田生時登等者
而命以意博採羣書周諏

者舊缺者補斷者續舊有
而新更者釐而改定三閱
月而草具復請章丘君董
公太初斟酌損益大肆潤
色上下數百載纖悉包羅
毫無滲漏而事稱備風土
瘠饒物產殷耗人文氣習
之振實起仆據事直書毫
無脂粉而紀稱實財賦宜
增若減風教宜沿革革行
實宜濇若戒品第真確毫
無錯謬而評稱精三者全

而爛焉成一邑之典足來
人之觀此固董公之化筆
而亦孰非使君之意所發
揮也耶不佞祚以行役過
梓里使君儼然責之序不
佞深幸其為盛舉也因曰
道不虛行政由人舉是志
也前使君屢謀屢沮今也
一旦而觀厥成是天以斯
文付使君也不其人與事
兩稱竒構執董狐筆直晉
史千百載不朽王子安記

出而滕王閣之名照耀今
 古此一舉而使千百世知
 有內黃縣者亦董公與使
 君今日之功不媿于前之
 董與王也故謹綴之簡末
 云

賜進士第戶部湖廣清吏
 司郎中邑人劉光祚撰



內黃縣志序

歲大淵獻之秋余不佞待
臯北司適邑大夫王公領
符命出宰吾黃余間走謁
公晉即民風土俗下詢而
津津語及邑乘邑乘殘闕

蓋八十襁餘公聳而驚愕
遂慨然有操觚命翰意余
私心慶幸曰於戲黃池百
年不刊之典乃今其在君
侯乎未幾公以書抵余謂
前猷邑乘業託董君太初
脩輯之矣時尚以為遲遲
甫三越月剗剗告竣余不
佞喜而拜賀輒效一言以
叙簡末噫我公垂憲右文
何懇而切耶夫志者鏡往
詔來在

國為史在邑為志志而敘
事漓真則涉幻屬辭藻績
則近靡靡則浮華可玩而
本實先撥幻則虛誕式崇
而淳樸盡祛藉苟勒成一
家而當時後世指其疵而
議之者將置喙之不遑尚
何信今而傳後世披閱
是志紀載首沿革建置終
人物藝文類凡十七卷凡
二十有六大都考故核實
率循舊典旁蒐博采了無

漏遺辭簡而古事該而博
無偏無黨惟正惟公即董
狐之良史吳兢之直筆矯
矯乎不可尚已嗟嗟禮緣
義起事待時興鄉匪我王
公以大魁而製錦是邦董
君以異才而挺生斯地相
與錯綜讐校共成是舉則
敝邑之山川草木尚含蒙
昧而文獻湮沒疆宇晦塞
即千百載下悠悠有餘憾
矣是舉非邑之萬世永賴

者耶士碌碌無能遠依日
 月即弗獲仰贅萬一而蓬
 蹟桑梓冒襲鴻帙亦與有
 榮光哉

賜同進士出身修職郎行
 人司行人邑人黃吉士撰



內黃縣圖考

大名府總圖

內黃縣總圖


縣治圖

文廟圖

圖

總

府




內黃縣志

圖

內黃縣志

圖

內 實 總 圖



內實總圖

內實總圖


三

內實總圖


內實總圖

二

文廟圖



縣治圖



舊志序二首

王崇慶曰夫內黃者黃內也自我觀物則我
為內邑在內也河在外也其斯君子取而名
邑乎何以無志也曰物固有所待也夫先王
之治天下莫史乎大史以紀是非邪正尤莫
大焉然而史之修否存乎人是故今之志古
之史也凡郡縣所宜慎而修也矧王畿之邑
哉是故崇三善去四病可以言志矣何以辯
物曰明何以取舍曰公何以獨斷曰勇故物

辯而後是非昭焉取舍定而後君子小人別焉勇斷而後讒者莫之間力者莫之奪焉是良史所以跨百代而先王之所必與也若夫華以眩實偽以亂真疑以侵信辯以軋訥斯則古今所謂大患不獨病史之細而已矣吾觀黃之志其殆近是善而免是病與是故讀其地里知其沿革分野山川猶吾開也讀其田賦知其上賦下貢猶吾開也讀其祠祀建其報本城郭宮室猶吾開也讀其官師

知其治治而教教猶吾開也讀其人物選舉知其賢良貞節登庸薦辟猶吾開也又讀其古蹟文章知其丘陵銘序記猶吾開也故曰近三善矣夫以是集更四令而後成斯亦艱矣在弘治庚戌則有若宜春張子鳳未果也在嘉靖甲申則有若永昌張子古未果也在丙申則有若琴川張子文鳳將命梓而臺召下又未果也信哉文之有待也於是新令河南張子鵬以前事白諸撫公黃巖公曰志

以信後文以行遠討而潤色必慎其人於是
移文府君孟門孟門曰吾意也吾責也因遂
濫及小子慶旣不果辭則踵其舊而小變之
義取刪繁事存夏五也嗟乎文也者君子之
所以經緯天地也獨華國也哉則夫巖公之
撫王畿宜其首及是與公兄弟歷官皆由翰
林今天下所謂文章家也敢並及之使黃人
知所為重且慶邑乘之創有遇云嘉靖丁酉
孟秋望日開州端溪子王崇慶撰

又

內黃於今為大名屬邑自建

國以來疆域廢置山川物產與夫鴻儒碩士
附見於他書者多矣而邑志獨缺如也予嘗
求其故矣漢唐以前遠未暇論宋時大名隣
於契丹故嘗棲重兵於此當時守臣方以治
兵禦虜覲旦夕之安為急務其于志固宜未
遑也金元之際此地淪於夷狄者蓋三百年
國朝混一以來始得去腥膻之污以復見中國

文明之盛

列聖相承仁漸義摩百五十年來四方文治蓋極盛矣而是邑之志顧未有任之者則為政於是者不得辭其責也嘉靖癸未永昌張侯古來知邑事始至稽邑故實焉而病於無志也乃喟然曰邑無志猶之國無史也蔑從稽矣茲豈不在予既三年政成化孚百墜修舉乃即鄉先生大尹周君萬金謀焉君力學嗜古暇日嘗稽圖志咨之耆宿私為志一帙以未成書藏之中笥人莫得見至是出以示侯侯曰君積勞於是有年矣今之任是事非君孰可者乃以幣徵就局卒業焉尤恐容有遺漏舛訛乃請邑庠司訓孫君良輔偕庠生董弦等相與搜羅讎校於是事無巨細義所得書者具載靡遺而數千百年闕典乃今而克備焉豈亦有數存其間邪嗚呼文獻之興廢係乎人與時而二者難於相值也若是志之修固張侯之賢知所當務有如不幸而丁宋

內黃縣志 卷之四
季金元之運雖賢有司亦奚暇於此乎天下
有道君子得盈禮焉可謂幸也已修且完會
張侯考績來京以予舊相好也屬予序因為
書于卷端於以見是志之成有非偶然者如
此用告夫繼今為邑者圖續修焉庶不負張
侯之用心爾嘉靖丁亥秋七月朔翰林院編
修莆田林文俊撰

內黃縣志目錄

卷之一

沿革志

卷之二

地理志

卷之三

建置志

卷之四

古蹟志

卷之五

風土志

卷之六

編年志

卷之七

官師志

卷之八

選舉志

卷之九

田賦志

卷之十

祠祀志

卷之十一

宦蹟志

卷之十二

人物一 春秋 漢 晉 魏 周 唐

卷之十三

人物二 國朝

卷之十四

人物三 孝行

卷之十五

人物四 忠義

卷之十六

人物五 文苑

卷之十七

人物六 隱逸

卷之十八

人物七 方技

卷之十九

列女

卷之二十

僊釋

卷之二十一

流寓

卷之二十二

奸雄

卷之二十三

藝文一 御製

卷之二十四

藝文二 奏書

卷之二十五

藝文三 序記

卷之二十六

藝文四 詩賦

修志氏名

五鹿董復亨撰次

知縣項城王廷諫重修

教諭黃希奭

訓導周鳳科

趙承光

邑人郎中劉光祚

行人黃吉士

同知李一經

知縣王萬邦

王萬選

縣丞孫愛之

舉人任光裕

關世亨

張中侯

王三宅全閱

大名生員楊之大

邑庠生員田時登采校

縣丞劉雅

典史管川督梓

內黃縣志卷之一

沿革志

叙曰黃以黃溝名魏以河南為外河北為內
 陳留郡與雍丘有外黃下黃故以內黃名說
 在李珽之對梁太祖也按唐書縣下繫一繫
 字宋史縣下繫一畿字俱難解中間或名黃
 或名柯或名牽或名繁陽或名臨河或名第
 陽或名黃池或名戲陽或名并陽或隸魏或
 隸汲或隸相州或隸滑州或隸頓丘或隸黎

州或隸澶淵離合與廢焚如不一余故本歷代諸史既古圖經稍撰次焉作沿革志

唐虞隸交冀之間

夏隸冀州之域爲觀扈國禹貢導河冀州云大河北過洛汭至于大伾黃乃大河北向所經道也

商仍隸冀州河亶甲居相築有蒞陽聚即古殷城也在舊縣東按蒞與戲同

周武王克商封康叔于衛邑西有黃澤穆王

東遊于黃澤春秋隸晉黃池柯戲防牽皆其地也左傳襄公十九年叔孫豹會晉士匄于柯又荀盈如齊逆女卒于戲陽又公會齊人衛人于牽又康公十三年夏與晉侯吳子會于黃池戰國隸魏一名黃一名繁陽趙敬侯八年拔魏黃城括地志云故黃城在魏州冠氏縣南因黃溝爲名又孝成王二十八年廉頗將攻繁陽取之括地志云繁陽故城在相州內黃縣東北

秦 仍隸魏

漢 高祖時始置內黃縣又分置繁陽縣並隸魏郡後漢地里志曰清河水出有第陽聚即世祖破五校處

三國 仍隸魏曹丕爲壇于繁陽城社受璽綬城今在邑西北三十里

晉 隸司州魏郡而以繁陽隸頓丘郡

元魏 縣廢併入臨漳隸司州魏尹

北齊 改爲清都郡治鄴

後周 置相州及魏郡自故鄴移治安陽縣邑地隸焉

隋 開皇六年復置內黃縣十六年分置繁陽縣大業初廢入隸汲郡

唐 隸魏州魏郡大都督府本隸相州武德四年析置繁陽縣隸黎州貞觀元年省天祐三年來隸焉又分爲臨河縣隸開德府澶

淵郡唐書縣下繫繁字

五代 唐末隸大名府天雄軍後唐改大名府曰

內黃縣志卷之二
三
興唐晉改曰廣晉漢周復曰大名縣隸焉

宋隸河北東路大名府魏郡

按宋史縣下繫曰畿

金隸河北西路滑州下刺史宋靈河郡武成軍縣本隸大名府大定六年來屬

元隸滑州

皇明洪武初改屬大名府隸北平布政司永樂

初直隸京師

內黃縣志卷之二

地里志

叙曰黃即非巖邑乎而博望峙于東南衛水環于西北金堤委蛇于左內黃澤容與于右方雖陵遷谷變而名跡勝事往往在焉况其星分室壁則圖書之府地接燕雲則湯沐之鄉平土而居不須太行孟門之險巖因民而利不須碧澗紫緋之綿脆以介于澶濮漳鄴之間與黎陽洹水諸名邑相抗行不虛耳作

地里志

分野舊志云內黃盡兗之西北境居冀之東南境其在天文昴畢其分野也余按清類天文志室壁在亥自危十三度至奎一度屬衛分河北今開封白馬大名澶懷衛相濮皆衛分也唐天文志營室東壁娵訾也自王屋太行而東得漢河內至北紀之東隅北負鄴漳東及館陶聊城又自河濟之交涉滎波濱濟水而東得東郡之地古邙鄘衛凡昨邗雍共微觀南燕昆吾豕鬻之國自容道王良至東壁在豕鬻爲上流當河內及漳鄴之南得山河之會爲离宮又循河濟而東接玄枵爲營室之分今黃在彰鄴相濮之間則分野又似室壁也

疆域東距清豐縣四十里距清豐縣蘓村界十五里西距河南安陽縣一百一十里距安陽縣伏恩村界四十里南距開州六十四里距開州聶固村界三十五里北距魏縣

內黃縣志 卷之二
九十里距魏縣泊口集界五十里東北距南樂縣六十里東南距山東濮州一百里西北距河南臨漳縣一百里西南距濬縣九十里 廣五十里袤八十五里縣治距府九十里距京師一千二百里距南京一千三百里

山川博望崗在舊治東南三十里○黃河故瀆在縣東十里西南入境經帶甚遠內黃得名蓋因是馬水經云故瀆又逕繁陽縣故

城東注云史記趙將廉頗伐魏取繁陽城是也○衛河自河南輝縣發源歷新鄉衛輝濬縣經流境內西南自南高堤東北達泊口漫衍百五十里出境詩云悲彼泉水亦流于淇即此○漳河濁漳也水經云出上黨長子縣之發鳩山山海經北經太行東百八十里曰小侯之山明漳之水出焉南流注于黃澤舊合清漳水入衛河今徙于魏縣之西入滏陽河○洹水水經云洹

水出上黨泫氏縣經隆慮縣北鄴縣南又東過內黃縣北東入于白溝今名安陽河自田氏鎮入境注于衛河。淇水在臨河廢縣東南五里水經云淇水出隆慮縣大號山又東過內黃縣南爲白溝屈從縣東北與洹水合注云淇水東北逕柱人山東童城西又東北逕并陽城即郡國志所謂內黃縣有并陽聚者也。蕩水水經云蕩水出河內蕩陰縣西山東又東北至內黃

縣入于黃澤唐貞觀元年以水微温改曰蕩水。姜水水經注姜水出蕩陰縣西北韓大牛泉東至內黃與防水合地里志曰姜水至內黃入蕩。防水水經注防水出西山馬頭澗東逕防城北盧諶征艱賦所爲越防者也其水東南流注于姜水又東歷黃澤入蕩水。黃澤在縣西北澤方數十里水經注云淇水東北逕柱人山東杜至內黃澤右入蕩水亦謂之黃雀溝是水

秋夏則泛青冬則耗又運內黃城南東注
白溝漢倪寬爲黃令請爲田以給貧民至
正統間掌縣事知州宋安以地給民居之
○白溝在內黃縣東北水經注云洹水逕
內黃縣北東流注于白溝○宜師溝水經
注云洪水自晉鄙城又東謂之宜師溝東
北至內黃澤右入蕩水○六輔渠漢倪寬
爲內黃令開渠大溉民田獲利甚博見府
志○蓮花潭在城東一里有水產蓮故名
有名公題詠○孟家潭在縣西北一里俗
言即古黃澤○鷓鴣陂在內黃洹水舊縣
南五里西周八十里舊有蒲葦之利○永
濟渠在臨河廢縣西北三十里自濬縣一
界東北入內黃縣隋大業中嘗增修○溝
河方輿勝覽云出內黃南自濬滑經顛頊
帝營二陵之南達東壯入內黃界○硝河
在縣南出朴硝與開州接界○集賢陂在
東郭門外南達硝河杜通衛流積雨水溢

中黃縣志 卷之三 五
瀾望無際因建以橋

堤堰金堤在縣東上接大名下連滑濬延袤數
百里漢書金堤古堰也成帝時至王延世
運土塞河決因金堤而增築之上有秦女
樓金堤驛今廢。高堤南起高堤鎮北接
泊口集僅百餘里恐衛河泛漲滄沒民田
故築以防之。黃澤堤在縣西北五里澤
廣數十里環之以堤漢世祖破五校即其
地也。鯨堤。倪公堤倪寬所築起自北
橫堤環城西遠至東南長固村十數里。
古堰在衛河東沿河修壘出境方止

渡口回隆廟內黃街渡口在縣西北五十里。

高堤鎮渡口在縣西四十里。田氏鎮渡

口在縣西北四十里。泊口鎮渡口在縣

北五十里。豆公鎮渡口在縣西四十里

營屯

六營九

師橋營縣西二十五里。潘官營縣

北十五里。東庄營縣西十五里。太平

營縣西南四十里。甘固營縣北五十五

里○雲騰營屯凡六○遷民屯縣西二十五

里○集鳳屯縣北四千里○樊里長屯縣

西北四十里○劉里長屯縣西北四十五

里○朋固屯縣北四十五里○王里長屯

縣北四十里

鎮集凡十有四楚王鎮在縣西北三十里○泊口鎮

在縣正北五十里○回隆鎮在縣西北五

十里○田氏鎮在縣西北五十里○高堤

鎮在縣西四十里○江村鎮在縣西南三

十五里○豆公集在縣西三十里○東庄

集在縣西十五里○石盤集在縣西北二

十五里○毫城集在縣西南二十五里○

新張集在縣西南十二里○北小店集在

縣東北二十里○城布集在縣正南三十

里○高廟集在縣正南十里

村落凡一百三十有九東渡村黃灘村碾頭村小王村

強家庄張皮庄東長固卞家庄南長固西

長固宛家庄東石村流庄村燕家庄高官

庄趙信村吉村鮑六村東同住東馬生庄
頭村司馬村小寨村五間房院子村楊固
村東次范張固堤李厚村路洲村桑村南
河村土鎮村七丈固南次范南高堤河道
村河村王尉村岸上村七及村尚家屯南
野庄嘴子頭西永建東岳村鵝鴨村故縣
村樊村太平村大流村東高固南高固北
高固東江村吳村東永建石廣村草坡村
關家庄張村劉家庄孫村楊村北林子趙

固村流河村晁四村神標村北竇公史村
大晁村臺子頭大村舊縣村冉村馬固村
范陽村小晁村荆張村城角村漢晁村西
野庄湯村臺頭村西渡村東原村野羊村
潭頭村張龍村林子村淇里村陽塢村單
奕村田達村杏園村韓村宋村朋固村高
城村東石盤宰家庄石甕村大里村尹王
村大王庄踞村小王淺馬召村湯王廟西
潭頭趙村瀏西馬生西同住蔡村溝村張

固村吳洞村甘家庄車固村小東村南洞
村北新庄佃坡村單村葛家庄丁村東張
保西張保南張保北張保李肅庄務兒頭
員方村侯莫陳村沈村杜店村康家庄皮
村

內黃縣志卷之三

建置志

叙曰釋名云城盛也盛受國都以盛民也郭
廓也廓落在城外也宅土寧邦禁邦固本此
其急乎它若官僚之所宅隅師儒之所廣厲
不虞之所蒐闋非時之所積貯致餼授館之
舍跨虹浮鰲之造詰卿烈婦表著于門閭名
井危橋相望于道塗並皆闡教化而利生養
寧微細矣獨西漢元狩宋元豐時苦河劉石

內黃縣志 卷之三
有晉金元有宋時苦虜七雄三國五代周齊
安史時苦兵即有建置無不灰飛煙銷今河
徙而南無爲歌瓠子矣虜犁而壯無爲咏太
白矣隸在股肱勢同臂指二百年來如遊華
胥無爲慮割劇而憂兵燹矣惟茂宰良吏稍
補苴而整飭之即百世可知也有基勿壞倘
亦是務作建置志

城池城周圍五里土築高三丈闊三丈五尺城
頭上修女牆環築敵臺二十各置舖舍一

區四角樓各一座城門八座樓四座壕闊
五丈深一丈外郭城周圍九里高一丈五
尺池亦深闊可以瀦水城郭始置不可考
或曰秦漢來故趾也正統四年掌縣事知
州宋安重修弘治十四年知縣張環建壯
城樓一正德二年知縣張璉復建東西南
城樓三正德七年流賊亂知縣李鉉奉兵
備僉事劉公文寵檄復加增修創開馬道
穿井七增置甕城重門俱衣以鐵嘉靖十

四年知縣閻隣於周圍女牆垛口又砌以
磚十五年知縣張文鳳因城樓卑隘弗稱
墻陴申請代巡王公昂復起四樓扁其門
東曰迎和西曰報成南曰迎薰北曰拱極
縣丞鄧廷慧書仍於城壕四周圍密植以
樹萬曆二年知縣黃克念復加修補二十
年久雨壞城知縣徐成楚張廷登相繼修
完二十五年知縣顏思忠通用磚石包城
西門

縣治在城之中對迎薰門舊制無可考洪武三
年縣丞楊郁重建弘治十年知縣申宜重
修正廳三間庫樓一座在廳東知縣張環
重修鑾輿庫在庫樓北典史廳三間在廳
西六房并承發架閣舖長馬政科儀仗等
庫共房四十間戒石亭一座儀門三間東
西大戶房各十間鄧侯廟三間迎賓館三
間內茶房三間大門一座舊有鍾鼓樓在
大門外東西相向知縣喬光大因開街移

鍾鼓於門上獄在儀門內西預備倉在吏
廨西知縣孫繼先重修旌善申明二亭舊
在大門前東西相向知縣王廷諫移於大
門東南向藥局三間今廢總舖在縣前知
縣宅在縣廳後知縣喬光大改爲樓東西
廚房六間東西廂房六間承恩堂三間東
西書房各三間又西廚房一間湛思堂三
間知縣王廷諫建宅門一座縣丞宅正房
五間東西房六間前廳房三間東小廳三
間西書房三間宅門一座主簿宅今廢典
史宅正房三間東西房六間前廳房三間
西耳房三間宅門一座吏廨房宇四十六
間年久傾壞萬曆二十五年知縣顏思忠
重修

儒學在縣治東杜隅前無可考元至正末知縣
劉溫劉滾王熙繼相營構至知縣閻汝梅
始克落成至元五年縣監阿都赤令王思
忠輩戮力興葺迨至正工始竣惟時有靈

芝之瑞有司業潘迪記元末毀於兵

國朝洪武二年縣丞楊郁乃重創之宣德六年
掌縣事知州宋安復加恢飭歷數歲功完
正統九年知縣周源撤齋堂庖廩新之至
弘治五年知縣張鳳病其狹徙於故址西
南自大成殿至堂齋門廡庖滷泮池皆改
作之侈於舊觀八年知縣李隆復加藻飭
故無射圃嘉靖二十六年知縣塗澤民撤
淫祠立射圃於學宮之左教諭冉性記迨

隆慶五年知縣劉渾成始捐俸勸羨悉力
修作徙門壁於道北敬一亭於明倫堂後
名宦鄉賢二祠列在左右萬曆二十二年
知縣其登重脩文廟廊廡及明倫齋房
維時工役繁費而闔縣監學各願輸助鍊
金至百餘兩因東通儒學道塞西便門又
建文昌閣一座一時堂宇俱新二十五年
知縣顏思忠遷太僕寺疏通輦道鑿泮池
南修大墻二道東西建德配天地道冠古

今坊二座二十八年知縣王廷諫於輦道
上建青雲坊一座

廟廡啓聖殿三間大成殿五間東西廡五十六

間戟門三間櫺星門一座泮池一區明倫

堂三間內有卧時習日新二齋各三間號

房三十八間饌堂三間膳厨房三間制書

庫三間名宦鄉賢二祠各三間敬一亭一

座內有御觀德廳三間文昌閣一座內有

教諭宅正房三間東西房六間客房三間

東書房二間訓導宅二所正房各三間東

西房各六間客房各三間西耳房一座

書籍大明會典一部大誥一部四書大全一部

五經大全各一部以上原五嶽黃山人集

一部楚辭一部陸文裕公續集一部古文

類選一部初學記一部順渠先生文錄一

部國語鈔評一部五經類語一部滄溟先

生集一部闕里志一部高皇帝御製文

集一部三原王公奏稿一部桃花源集序

一部初學記一部事物紀原一部漢書一部註選秦漢文宗一部古文會編一部皇明疏議一部十八史畧一部誠齋易傳一部證類本草一部韓非子一部文選增定一部大名府志一部舉業昭代文英一部

舉業正傳一部 以上俱知縣張延登積置

公署察院在縣治東洪武三年縣丞楊郁建萬曆四年知縣孫繼先以周圍土垣秋雨衝墮易以磚坯二十六年知縣顏思忠於堂

後建亭一座扁曰公樂太僕分寺在縣治

東南文廟前萬曆十八年改為察院二十

六年知縣顏思忠為塞文廟輦道申准移

於縣治西北街演武場廳三間臺一座門

一楹萬曆二年知縣黃克念始充拓之增

地三畝回隆巡檢司在縣治西北五十里

臨漳衛二水之間故時河南歲漕常轉兌

於此黃池水驛在縣西四十里高堤鎮今

廢泊口河泊所在縣北五十里今廢稅課

局在城今廢僧會司在靈感寺道會司在
岱岳觀今廢養濟院在縣治東官廳三間
孤老住房二十九間黃池書院在縣治西
隆慶六年知縣黃克念創建今改公署陰
陽學醫學今廢

社學十志道社學在東關依仁社學在南關據
德社學在仁壽橋西游藝社學在壯郭門
外東庄集一楚王集一姜村集一毫城集
一泊口集一小店集一俱知縣黃克念修

建

舖舍六曰縣總舖曰趙信曰吉村曰樊村曰永
建曰姜村

勞勞廳在縣西南五里關家庄知縣徐成楚
創建

黃池別館在縣東南二十五里張包村知縣
王廷諫創建

倉庾常平倉四一在泊口集一在小店集知縣
徐成楚建一在吏廨西一在壯稍門外知

縣張延登建社倉八一在縣治東隆慶六年知縣黃克念建一在楚王集一在東庄集一在亳城集一在姜村集一在豆公集一在勾村俱知縣張延登建一在縣東門裏知縣顏思忠建義倉一在縣治東隅

棹楔德配天地坊

在文廟左星門左

道冠古今坊

在櫺星門

右青雲坊

在學前新建

激揚坊

在察院前

太僕分寺

坊廢演武場坊

在北郭門外

黃池精銳坊

在武場西

榮壽坊

為勅封御史張聚奎立

進士繡衣坊

為馬馴立

正坊

為李能立

世科坊

為董瑜立

攀龍坊

為邢鑾立

坊

為紀振立

輝壁坊

為張奎立

禹門飛躍坊

為王訓立

鴻漸坊

為周萬金立

蟾窟分香坊

為郭世祿立

龍躍

坊

為侯贊立

進士坊

為高登立

步天衢坊

為司思立

坊

為張問行立

擢秀坊

為陳賓立

雙桂坊

為白鏞立

登

雲坊

為籍貫立

鳴岐坊

為趙賢立

副都御史坊

為張問行

立經文傳世坊

為張問官立

光顯坊

為周西立

雷鳴

壯畿坊

為王時演立

世濟奎光坊

為張亨甫立

廷尉

坊

為大理左寺副任進道立

金榜題名坊

為丙戌進士傅肖形立

旌表孝行二坊 為崔光升史 旌表節婦坊 五常立俱廢

為尹士名妻秦氏趙美妻王氏宋仁禮妻唐氏李興妻閔氏傅海妻梁氏立廢 貞

節坊 為張鳳翼 貞烈坊 為賈遇光 義民坊 妻李氏立

馬鐸在次范村宋銘在楚王集鄭寬馮本二坊俱在小屯村劉全李允失考

橋梁集賢橋 在東郭門外南通硝河秋水泛溢行人不便因架以橋父老不時修葺

廣惠橋 在南郭門外南引硝河秋雨淫潦不便人行封君張公率里人

張孟祥王用祝文德等架木為橋徒輿往來甚便知縣顏思忠慮歲久不支俱易以石者民張弘

仁壽橋 在西郭門外鄉民趙毅等督修

人行觀音橋 在西關廂中舊皆土木淫雨有記

大成橋 在北郭門外知縣張延登為建以石

外池水不週秋雨或衝斷行人苦之捐俸初建有記

井泉文源井 在今明倫堂前舊傳產靈芝故呼為藻井非也

井也 廣惠井 在城隍 浴驢井 在太僕 寒泉

井 在水 文淵井 在橋星 馬道井七 以流賊

水不便 洙源泗脉二井 在縣治西書院內

故鑿 玉壺井 知縣張延登 靈源井 在儒

義塚五一 在西郭門外西北一里今無一在北

郭門外東北一里許府路東計地五畝知

內黃縣志卷之四
縣張璉於正德年間置一在南郭門外偏
東近城計地三畝一在西郭門外西南官
道東一在孟家潭西岸楊家庄東計地三
畝

內黃縣志卷之四

古蹟志

叙曰黃邑當在商時亦如堯之平陽舜之蒲
坂禹之安邑東西漢之長安洛陽宋之汴元
之燕亦宇內一大都會也其名蹟勝景當亦
不下諸名都而劉石宋元間累經兵燹蕪之
黃河漳水之湍悍大者破城邑小者決田廬
即有名蹟勝景亦鞠爲茂竹幻爲烏有不無
令人有桑田滄海之感余間按舊志及故老

所道說纔得城郭陵墓臺榭寺觀若干許庶
令經音大雅之士猶得以憑而吊焉作古蹟
志

陵墓商王中宗陵在縣西南二十五里次范村
陵高一丈五尺有餘環遶數十丈許廟在
陵後正殿五間傍有碑亭前有廟門二重
前有豐碑一通宋開寶七年翰林梁周翰
撰春秋二祭每三年

朝廷遣使致祭改元則遣京堂大臣齋香帛祭
告碑文叢峙不能悉錄

楚將宋義墓在縣北楚王鎮昔章邯圍趙鉅
鹿楚以宋義爲上將軍救之至安陽逗遛
不進日與子襄飲酒不恤士卒羽諫不聽
即帳殺之遂葬此地

欒尚書墓在縣西四十里伏恩村詳見祠祀
志

王伯當墓伯當嘗爲李密副將死于稠桑之
難今墓在縣西潭頭村

城壘牽城在縣西南四十里左傳公會齊侯於
牽城即此按牽城有二其一在濬縣

亳城在縣西南二十五里按書殷有三亳蒙
爲北亳偃師爲西亳穀熟爲南亳皆殷故
都蒙其北亳也中宗陵寢近焉后劉沛畧
南陽守齟封殷侯亦其地也

故殷城在縣南十三里殷王河亶甲居相築
此

繁陽城在縣西北三十里楚王鎮北趙使廉

頗伐魏取繁陽三國曹丕爲壇於繁升受
璽綬即此

柯城在縣東北春秋叔豹會晉士匄於柯即
此

臨河城即臨河縣在縣南四十里溝河之傍
隋縣也今廢入滑縣

舊縣城在縣西二十里前志謂即左傳之蕘
陽非是蓋蕘陽乃今彰德之安陽縣也或
以爲即舊內黃縣再遷故縣三遷爲今縣

趙信村翁村在縣北漢封趙信翁侯即此

單雄信營在縣北二十里李密將單雄信嘗

駐兵於此營為土城有南北二門

李靖堡在縣西南三十里河村今有廟存焉

金堤驛在大河之濱今廢

臺宇烽火臺在縣北四里景德間契丹犯大名

聲言將犯澶淵真宗遣楊延朗將兵禦之

兵屯於此築臺二丈夜置烽火有警急則

舉火夜以為備楊延朗乃繼業之子驍勇

善戰契丹憚之呼為楊六郎遺趾尚存

秦女樓在縣東金堤上今廢

寺觀靈感寺即僧會司在迎薰門外迤西○普

覺寺在江村○觀音堂在太僕寺西○大興

寺在裴村○定覺寺在南野庄○清涼寺在

高城村○圓果寺在亳城集○雲壽寺在舊

縣○白馬寺在李厚村○石盤寺在本村○

興國寺在田達村○龍泉寺在南張包○興

教寺在南豆公○靈感寺在楚王鎮○隆福

內黃縣志
卷之四
四
寺在七丈固村

內黃縣志卷之五

風土志

叙曰諺云百里不同風千里不同俗太史公
云陳夏千畝桑渭川千畝竹安邑千樹棗蜀
漢江陵千樹橘此言風土之異也信若所云
則俗流失世敗壞當化爲鬼魅不復返而葡
萄首宿纔玉關以西有之耳善乎賈生之言
曰今歆移風易俗令天下回心而嚮道類非
俗吏之所能爲又曰百人作之不能衣一人

欲天下亡寒胡可得也一人耕之十人聚而食之欲天下亡饑不可得也余謂服可紫素而地無沃瘠惟導民之路不耑刀筆筐篋而辨土之宜非時勸課勞來則黃民之福何必不如天之無量哉作風土志

風俗史記云俗近梁魯微重而矜節漢書云剛武尚氣力元志云先人後已務崇禮讓一統志云俗尚義概有古推遜之風府志云君子而深思小人而任俠衣冠文物之盛

彷彿鄒魯舊志云重燕耻崇禮讓士勤學問農盡地利俗淳訟簡務本者衆地多沙鹹民業甚貧大抵商周之季政散民流男女亟聚會而聲色生七國之時日苦於兵民無息肩之期而漢休息名賢大夫時出宰之民頗遵用禮教有三代風永嘉之后鼎沸於劉石其俗羯獍而好亂至唐始蘇天寶之後雲擾於安史其民慄悍而樂禍至宋始蘇粘沒喝南度陷沒者垂三百年

民稍稍沿胡俗習夷音入

明爲

天子畿內地列聖培養二百年來用夏變夷大率其俗質直忠信縉紳先生過問里數徒步不張蓋市井下人徃徃肩摩而過不相迴避近頗嗜酒競博務相誇尚有七賢八僊之風閭閻小民多仰給菽麥黍粟黎棗桑麻布帛之利不任商賈酒醉立鬪至持刃相嚮見長吏仰天質神然不好訟婚媾

從儉不能當江左之什一喪葬喜作佛事又好爲下里僞物禺車禺馬秉畀炎火以是相尚墓或合族共域數十世不徙別即稱䟽元日祭天地諸神進椒酒焚避瘟丹親友相拜賀元宵烘花炮次一日走百病中和節後一日俗名曰龍擡頭作鞦韆戲飾剪餅春分釀酒清明上墓插柳枝穀兩日禁蠲四月八日浴佛小滿日麥掛紙錢端午日飴角黍飲菖蒲酒帶艾虎六月六

日曬書七月七日乞巧十五日上墓佩疏
麻送羊八月十五日翫月剖食西瓜秋分
釀酒九月九日賞菊送花糕十月一日上
墓閉場門冬至日親友會飲臘月八日喫
粥二十三日祭皂除夕搭天地棚貼門神
立春日喫春餅白蘿蔔名曰咬春春日祈
年秋麥報賽多用倡優搬雜劇院本酒后
耳熱懽呼嘈雜相樂也民間無大厚積千
金之家即號素封劇錢立社裹糧躡足進

香求福利不計艱遐太山曰東頂香武當
山曰南頂香間有持齋素絕葷食稍習白
蓮無爲之教男女聚會動百爲群異日王
堂紅羅之變或此爲兆惟良有司禮訓而
法禁之即三代兩漢可不易民而化耳

土產

穀則黍稷梁麥菽秫粟芝蔴粳粳豆

蔬則白菜芥菜葱韭蘿蔔蔓菁蒜茗蓬芹
菠菱莧蒿苣芫荽同蒿胡蘿蔔王瓜甜瓜
西瓜菜瓜絲瓜冬瓜茄瓠葫蘆 花則海

棠芍藥蓮牽牛紫荊菊葵雞冠木槿萱草
石竹金雀千葉榴刺梅月季玉簪扁竹旋
覆花賽娥眉 果則杏棗李梨柿棗沙菓
花紅梅石榴核棗金匏葡萄 木則榆槐
柳椿楊桑栢桐棠 藥則草烏枸杞地黃
菴活蒼朮貫仲前胡香附子蒼耳兔絲子
車前子蛇床子牽牛槐角子紫草蒺藜夏
枯草茵陳桑白皮地骨皮杏仁鳳眼草薄
荷紫花地丁艾天花粉甘草 雜植則枳

蘇綿花紅花靛 禽則雞鸞鴨鶉鵠鵲鴉
燕鷓鴣雀黃鶯蠟嘴鳩雉鷄 獸則馬牛

騾驢羊豕犬狐狸猫獾貉 魚則鯉鯽鮎

鰱鱧鰕 雜產則絲綿絹布紬硝鹼土鹽

按邑內土產大率與大名境內州縣無大異
同獨木綿最夥出販於山西澤潞諸州縣而
又地多硝鹼不生五穀沙茅甲之窮民每藉
剪鹽以辦租稅獨邇年鹽禁最嚴出境負販
不免鬼薪城旦之辟惟委曲調停上不逋

國課下不廢民業則非一二良有司何望哉

四書集注

卷之三

三

